

» età logora, massime dalle fatiche, e per desiderio de quell' ozio
 » onesto e letterario, confermà da tal natura de irregolarità, che tien
 » i omeni lontani dal produrse, ma Iddio bon! come mai taser, quan-
 » do se vede esposta a un tanto evidente pericolo la patria?

» Arrivà el Pisani, le consultazion ze note, no le ze occulte,
 » parlo con libertà, servo el Mazor Conseggio. Ghe risponde el
 » conseggiar pien de virtù e de modestia, ma inesperto nell' arte de
 » parlar, con voce non abituada, ha servido con onor, ma la mate-
 » ria no ze trattada: ze necessario, che se diga de più. Se presenta
 » al Mazor Conseggio el Pisani, alla patria el dise quel ch' el vol.
 » Che tessidura de cose, che minuzie, che inezie, che candele de
 » seo? El Mazor Conseggio reso celebre per la sua condotta; el
 » senato che ha merità el rispetto dei re, l' eccelso Conseggio de
 » Dieci, tribunal autorevole, venerando; sti corpi el li onora con
 » parole, el li ferisce coi fatti! Che modi subdoli, indecenti, indegni
 » de sentirse! Ghe vol fazza onesta in sto logo, e parole aperte.
 » Dusento cinquanta cittadini dei più autorevoli compone el senato,
 » e vostra eccellenza dubita de tutti, diffende tutti, onora tutti? Me
 » perdoni la serenissima Signoria, no so quel che nascerà. La pro-
 » posizion, che ze offerta, no ze sua. No la offende, la ze fiola del-
 » l' obbedienza, dell' ossequio, della violenza. I voti non sinceri, che
 » l' ha comandada, ze desiderosi del ben, ma sto ben ze piantà su
 » un vago desiderio. Se vol, che le cose vada con ordine miglior;
 » ma che bisogno ghe ze de proposizion? L' eccellentissimo Pisani
 » vol i voti non sinceri, benchè la proposizion quadri coll' eccita-
 » mento del Contarini. Non ammetto proposizion de sorte. Invoco i
 » voti nel verde (1). El Mazor Conseggio prudentemente significhi,
 » che le providenze del senato, del Conseggio de Dieci basta, nè
 » che de più se desidera. No vedo dove se vada a colpìr, cosa se
 » voja. Non se osa de pronunciar e basta questo, perchè non debba
 » esser preso. Se parla del lusso, del costume. Chi parla del lusso,

(1) Nel bossofo verde si ponevano i voti negativi.